

Date: 20 November 1564

REF: GD112/39/3/10

Place: Carrick Castle (Cowal)

From: Archibald Campbell, 5th Earl of Argyll

To: Colin Campbell of Glenorchy

Address: To our trest cousing Colin Campbell of Glenwrquhay gyf yis

Trest cousing efter hartlie commendatioun. Resavit zour writin be ye quhilk we persauf ye contentis yairin and ye takin of Alister MacGregour VcDonchye Laduschache. And as ... purpoiss we are contentit with nochtwithstanding we consall zow not to dispone hestilie vpon him to ye tyme ze conveyn ws. And annentis ye rest of yaim be assurit yat we sall God willing do according our pomeiss to zow as ze sall knaw at methin in Edinburgh at ye parliament. As to MacCoule he dessyrit licence to pass to Leoyss the quhilk we grantit and cann nocht contramand without it be his awin dessyer and gif it war ye sam war our plessour. We pass ye morn to Inveraray for expeditioun of our efferis yair yat we may return ye schonar. Thair occeris nay novellis instantlie. And sway continewis all vther thing to methin in Edinburgh as said is. And God preserve zow. Of ye Carrik ye xx nycht of November 1564.

Zouris

Archibald Eryll

[PS] We wilbe at ye parliament God willing yairfoir we wald ze war thair. Commend wss to zour wyf.